

इहैवायमितरो जातवेदा देवेभ्यो हव्यं वहतु प्रजानन् ॥९॥
 यो अग्निः क्रव्यात्प्रविवेश वो गृहमिमं पश्यन्नितरं जातवेदसम् ।
 तं हरामि पितृयज्ञाय देवं स घर्ममिन्वात्परमे सधस्थे ॥१०॥

यो अग्निः क्रव्यवाहनः पितृन्यक्षदतावृधः ।

⁵ प्रेदु हव्यानि वोचति देवेभ्यश्च पितृभ्य आ ॥११॥

उशन्तस्त्वा नि धीमह्युशन्तः समिधीमहि ।

उशन्नुशत आ वह पितृन्हविषे अक्षवे ॥१२॥

यं त्वमग्ने समदहस्तमु निर्वीपया पुनः ।

कियास्रुच रोहतु पाकदूर्वा व्यल्कशा ॥१३॥

¹⁰ शीर्तिके शीर्तिकावति ह्लादिके ह्लादिकावति ।

मण्डूक्याऽ सु सं गम इमं स्वग्निं हर्षय ॥१४॥

LII. RIGVEDA X. 17.

त्वष्टा दुहित्रे वहतुं कृणोतीतीदं विश्वं भुवनं समैति ।

यमस्य माता पर्युह्यमाना महो जाया विवस्वतो ननांश ॥१॥

अपागूहन्नमृतां मर्त्येभ्यः कृत्वी सर्वणामददुर्विवस्वते ।

¹⁵ उताश्विनावभरद्यत्तदासीदजहादु द्वा मिथुना सरण्यूः ॥२॥

पूषा त्वेत्थावयतु प्र विद्वाननष्टपशुर्भुवनस्य गोपाः ।

स त्वेत्तेभ्यः परि ददत्पितृभ्यो ऽग्निर्देवेभ्यः सुविद्वित्र्येभ्यः ॥३॥

आयुर्विश्वायुः परि पासति त्वा पूषा त्वा पातु प्रपथे पुरस्तात् ।

यत्रासते सुकृती यत्र ते ययुस्तत्र त्वा देवः संविता दधातु ॥४॥

²⁰ पूषेमा आशा अनु वेद सर्वाः सो अस्माँ अभयतमेन नेषत् ।